

Bosna i Hercegovina
Federacija Bosne i Hercegovine
Tuzlanski kanton
Općina Kalesija
J.U. Centar za socijalni rad Kalesija

Босна и Херцеговина
Федерација Босне и Херцеговине
Тузлански кантон
Опћина Калесија
ЈУ. Центар за социјални рад Калесија

Bosnia and Herzegovina
Federation of Bosnia and Herzegovina
Tuzla Canton
Municipality Kalesija
Public Institution Center for social work Kalesija

Kalesija, ulica Kalesijskih brigada 49;

Telefon; +387 35 631 176, fax; +387 35 631 581;

e-mail: socrad.kal@bih.net.ba

Broj: 03-11-402-7/26

Datum: 02.07.2026. godine

Na osnovu člana 72. stav 3. tačka a). Zakona o javnim nabavkama („Službeni glasnik BiH“, broj 39/14, 59/22 i 50/24), Direktor Javne ustanove Centar za socijalni rad Kalesija, donosi;

ODLUKU

o dodjeli ugovora drugorangiranom ponuđaču

Član 1.

Ugovor za javnu nabavku radova „Unutarnje uređenje prostorija“ dodjeljuje se drugorangiranom ponuđaču HNR D.O.O. Kalesija, Industrijska zona bb, čija ponuda nakon završenog komisijskog pregleda iznosi 63.173,80 KM bez PDV-a, a nakon što najpovoljniji ponuđač nije u ostavljenom roku dostavio dokumentaciju iz člana 45. Zakona o javnim nabavkama.

Član 2.

Ovom odlukom stavlja se van snage član 1. Odluke o izboru najpovoljnijeg ponuđača 03-11-402-6/26 od 15.06.2026. godine kojom se ugovor dodjeljuje ponuđaču Dinamico d.o.o. Kalesija.

Član 3.

Izabrani ponuđač je dužan u roku od 7 (sedam) dana, računajući od dana dostavljanja Odluke o dodjeli ugovora drugorangiranom ponuđaču dostaviti originale ili ovjerene kopije dokumentacije koje se traže tenderskom dokumentacijom.

Član 4.

Ova odluka objavit će se na web-stranici ugovornog organa (www. csrkalesija.ba), istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-11-402/26 od 02.06.2026. godine. Postupak nabavke je konkurentski zahtjev za dostavu ponuda za

koji je objavljeno obavještenje o nabavci broj: 30407-7-3-22-3-1/26 od 03.06.2026. godine na portalu javnih nabavki.

Postupak nabavke provela je Komisija za javne nabavke imenovana Odlukom broj: 03-11-402-2/26 od 02.06.2026. godine. U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

Nakon okončanja postupka javne nabavke svi ponuđači su obaviješteni o rezultatima postupka javne nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim nabavkama u roku od 7 dana od dana prijema obavještenja o rezultatima postupka javne nabavke.

Obzirom da izabrani ponuđač Dinamico d.o.o. Kalesija, do predviđenog roka za dostavu tražene dokumentacije iz člana 45. Zakona o javnim nabavkama nije dostavio istu, ugovorni organ je postupio u skladu sa članom 72. stav 3. tačka a) Zakona o javnim nabavkama i ugovor za nabavku radova „Unutarnje uređenje prostorija“ dodijelio drugorangiranom ponuđaču kao što je i navedeno u članu 1.ove Odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem Ugovornog organa najkasnije u roku od 15 (petnaest) dana od dana prijema ove Odluke.

DOSTAVLJENO:

1. Učesnicima u postupku,
2. Arhiva.



DIREKTOR

Muhamed Majdančić, dipl.scr.